




ԵԿԵՂԵՑԱԿԱՆ ԲԵՄ. ԼՈՒՐԵՐ

Հոկտեմբերի 3-ին, չորեքշաբթի.—Այսօր, Վեհարանում, Վեհափառ Հայրապետի նախագահությամբ, տեղի է ունենում միաբանական հավաքույթ:

Հավաքույթի ընթացքում Գլաձորի համալսարանի հիմնադրման 700-ամյակին նվիրված «Գլաձորի համալսարանը և նրա դերը կաթոլիկ միսիոներների դեմ մղված պայքարում» բովանդակալից զեկուցումով հանդես է գալիս Ս. Շնորհք աբեղա Բաղդասարյանը: Ձեկուցման մեջ հայր սուրբը վեր է հանում այն կարևոր դերը, որ խաղացել է Գլաձորի համալսարանը կաթոլիկ ունիթոռների դեմ մղված պայքարում, պայքար, որը բխում էր Հայ Եկեղեցու և հայ ժողովրդի շահերից:

Վերջում տեղի է ունենում մտքերի փոխանակում, և զեկուցողը պատասխանում է իրեն ուղղված մի շարք հարցերի:

պետին ուղղված միսիոնարական խոսք է ասում Ս. Հուսիկ արքեպիսկոպոսը:

*
* *

Հոկտեմբերի 7-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Ասողիկ աբեղա Արիստակեսյանը և «Հայր մեր»-ից առաջ քարույրում «Խաչի թո Քրիստոս երկիրպագանեմք» (Շարական) բնաբանով:

Վերջում, Վեհափառ Հայրապետի նախագահությամբ, կատարվում է հոգեհանգստյան կարգ՝ նվիրված նորոգ հանգուցյալ, շախմատի աշխարհի կրկնակի չեմպիոն Տիգրան Պետրոսյանի հիշատակին:

*
* *

Հոկտեմբերի 6-ին, շաբաթ.—Այսօր, երեկոյան, Ս. Գայանե եկեղեցուն կից գերեզմանատանն ամփոփված վեհամոր՝ Սիրանույշ Պալճյանի գերեզմանին, Ս. Հուսիկ արքեպ. Սանթրոյանի նախագահությամբ, կատարվում է հոգեհանգստյան կարգ վեհամոր մահվան 10-րդ տարեկիցի առթիվ:

Արարողությունից հետո Վեհափառ Հայրա-

Նույն օրը, առավոտյան ժամը 11-ին, Էջմիածին քաղաքի Ս. Աստվածածին եկեղեցում ս. պատարագ է մատուցում ուխտավորաբար Մայր Աթոռում գտնվող Ս. Գրիգորիս եպս. Բունիաթյանը և «Հայր մեր»-ից առաջ արտասանում ոգեշունչ քարոզ «Որո՞վ իշխանութեամբ առնես զայդ» (Մատթ. ԻԱ 23) բնաբանով:

Ս. պատարագին ներկա էր Լիոնի հայոց

առաջնորդ Ս. Նորվան եպիսկոպոս Չաքարյանը:

Հավարտ ս. պատարագի կատարվում է հոգեհանգստյան պաշտոն Ս. Աստվածածին եկեղեցու նախկին ավագ քահանաների՝ հանգուցյալ Ս. Քերովբեի և Ս. Վարդանի հոգիների խաղաղության համար:

* * *

Հոկտեմբերի 10-ին, չորեքշաբթի.—Այսօր, Վեհարանում, Վեհափառ Հայրապետի նախագահությամբ, տեղի է ունենում միաբանական հավաքույթ:

Հավաքույթի ընթացքում Ս. Առողիկ արեղա Արիստակեսյանը Վեկուցում է ԺԳ դարի մատենագիր Կիրակոս Երվնկացու աստվածաբանական հայացքների մասին՝ հիմք ընդունելով մատենագրի «Թուղթ ընդհանրական» աշխատությունը:

* * *

Հոկտեմբերի 13-ին, շաբաթ.—Սրբոց թարգմանչաց վարդապետացն մերոց՝ Մեսրոպայ, Եղիշեի, Մովսիսի Քերթովին, Դավթ Անյաղթ փիլիսոփային, Գրիգորի Նարեկացուն և Ներսիսի Կլայեցուն:

Այսօր Օշականի Ս. Մեսրոպ Մաշտոց եկեղեցում ս. պատարագ է մատուցում Կանադայի հայոց թեմի առաջնորդ Ս. Վազգեն վրդ. Քեշիշյանը և «Հայր մեր»-ից առաջ քարոզում «Եւ ասէ, մի՛ մերձենար այսր. լոյծ վկօշիկս քո յոտից, վի տեղիդ յորում կաս դու ի դմա՝ երկիր սուրբ է» (Ելք. Գ 5) բնաբանով:

* * *

Հոկտեմբերի 17-ին, չորեքշաբթի.—Այսօր, առավոտյան, հոգևոր ճեմարանի սաները, գլխավորությամբ ճեմարանի տեսուչ Ս. Եսնիկ քին. Պետրոսյանի, մեկնում են Եղեգնաձոր՝ մասնակցելու Գլաձորի համալսարանի հիմնադրման 700-ամյակին նվիրված տոնակատարությանը:

* * *

Նույն օրը, երեկոյան, Վեհարանի ընդունելությանց սրահում, Վեհափառ Հայրապետի նախագահությամբ, տեղի է ունենում միաբանական հավաքույթ:

Հավաքույթի ընթացքում Հովհան Մանդակունու կյանքի ու գործունեության մասին

Վեկուցումով հանդես է գալիս Հայկ սրկ. Չիլինգարյանը:

* * *

Հոկտեմբերի 21-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Կանադայի հայոց թեմի առաջնորդ Ս. Վազգեն եպս. Քեշիշյանը և «Հայր մեր»-ից առաջ հավուր պատշաճի քառույ խոսում:

Ս. պատարագին ներկա էր Վեհափառ Հայրապետը:

* * *

Հոկտեմբերի 23-ին, երեքշաբթի.—Այսօր Ամենայն Հայոց Հայրապետին է այցելում Սփյուռքահայության հետ մշակութային կապի կոմիտեի հրավերով Գլաձորի համալսարանի հիմնադրման 700-ամյակի հանդիսություններին մասնակցելու համար մայր հայրենիք հրավիրված սփյուռքահայ մշակութային գործիչների պատվիրակությունը:

Պատվիրակության կազմում էին՝ պրոֆ. Ավետիս Սանճյանը (Կալիֆորնիայի համալսարանի հայագիտական ամբիոնի վարիչ), Օշին Քեշիշյանը (Լոս Անջելոսում հրատարակվող «Արմենիոն Օբլոբրվոր» թերթի խմբագիր), Երվանդ Քասունին (Բեյրութում հրատարակվող «Հայագիտական հանդես»-ի խմբագիր), պրոֆ. Գալուստյանը (Բեյրութից), ճարտարապետ Արմեն Հախնավարյանը (Թեհրանի թեմական խորհրդի անդամ), աստղագետ դոկտ. պրոֆ. Հակոբ Թերվյանը (Լիոնից) և ուրիշներ:

Վեհափառ Հայրապետի և պատվիրակության անդամների միջև տեղի է ունենում վրոյց ջերմ և սրտագին մթնոլորտում:

* * *

Հոկտեմբերի 24-ին, չորեքշաբթի.—Այսօր հոգևոր ճեմարանի հանդիսությունների դահլիճում, Վեհափառ Հայրապետի նախագահությամբ, տեղի է ունենում Ախենի համալսարանի (Արևմտյան Գերմանիա) դասախոս, ճարտարապետ դոկտ. Արմեն Հախնավարյանի դասախոսությունը պատմական Արտաշատի հայկական վանքերի մասին:

Դասախոսությունը ուղեկցվում էր գունավոր պատկերների ցուցադրմամբ:

* * *

Հոկտեմբերի 28-ին, կիրակի.—Գիտա հաշի: Այսօր Մայր տաճարում, Ավագ խորանի

վրա, ս. պատարագ է մատուցում Տ. Հայկապուն վրդ. Նաջարյանը և «Հայր մեր»-ից առաջ քարոզում «Այլ ինձ քառ լիցի պարծել, բայց միայն ի խաչն Տեառն մերոյ Յիսուսի Քրիստոսի, որով ինձ աշխարհի ի խաչ ելեալ է, եւ ես՝ աշխարհի» (Գաղ. 2 14) բնաբանով:

Ս. պատարագին ներկա էր Վեհափառ Հայրապետը:

*
* *

Հոկտեմբերի 31-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հավաքույթ:

Հավաքույթի ընթացքում հոգևոր ճեմարանի տեսուչ Տ. Եպինկ քին. Պետրոսյանը խոսում է Լենինգրադի հոգևոր ակադեմիայի հիմնադրման 175-ամյակին նվիրված հանդիսությունների մասին:

*
* *

Օգոստոսի 29-ին, չորեքշաբթի.—Այսօր, առավոտյան ժամը 11-ին, Մայր Աթոռ Ս. Էջմիածին այցելեցին և Ամենայն Հայոց կաթողիկոս Տ. Տ. Վազգեն Ա-ի հետ հանդիպում ունեցան սփյուռքահայ մի խումբ ուսուցիչներ, որոնք մայր հայրենիք էին եկել Սփյուռքահայության հետ մշակութային կապի կոմիտեի հրավերով՝ կրթական գործի մեջ կատարելագործվելու համար: Խումբը բաղկացած էր թվով 56 ուսուցիչ-ուսուցչուհիներից: Նրանք եկել էին աշխարհի տարբեր երկրներից՝ Ամերիկայի Միացյալ Նահանգներից, Կանադայից,

Անգլիայից, Ֆրանսիայից, Արևմտյան Գերմանիայից, Եվեդիայից, Հունաստանից, Կիպրոսից, Ավստրալիայից, ինչպես նաև Մերձավոր Արևելքի երկրներից՝ Լիբանանից, Հորդանանից, Իսրայելից, Սիրիայից և այլն:

Մայր Աթոռ Ս. Էջմիածնում սփյուռքահայ ուսուցիչների խումբը այցելեց Մայր տաճար, եղավ նրան կից թանգարանում, ինչպես նաև «Ալեք և Մարի Մանուկյան գանձատանը»:

Վեհարանի ընդունելությանց դահլիճում խմբի անդամների անունից Ամենայն Հայոց կաթողիկոսին ուղղված ողջույնի խոսք ասաց խմբի ղեկավար, Աթենքի «Նոր աշխարհ» թերթի խմբագիր պրն. Ջավեն Գրիգորյանը: Նա նշեց, որ ամեն տարի, հայրենիքի կառավարության հրավերով, մայր հայրենիք են գալիս սփյուռքահայ կրթական մըշակներ և վերապատրաստվում կայուն գիտելիքներով՝ իրենց հետ տանելով հայրենիքի կարոտն ու Ս. Էջմիածնի օրհնությունը:

Մեծ ուշադրությամբ և հետաքրքրությամբ ունկնդրվեց Վեհափառ Հայրապետի քաջալերանքի և օրհնության խոսքը: Նորին Սրբությունը մեծապես գնահատեց այն հերոսական ձիգերը, որ ի գործ են դնում սփյուռքի հայ ուսուցիչները, որպեսզի հեռավոր ավերում միջոտ հնչի մայրենի քաղցր լեզուն և միջոտ ամուր մնա պապենական հավատքն ու հայրենիքի սերը: Վեհափառ Հայրապետը օրհնեց սփյուռքահայ ուսուցիչներին և մաղթեց, որ նրանք, գոտեսնված հայրենի տապալորություններով ու Ս. Էջմիածնի օրհնությամբ, վերանորոգված եռանդով ու հավատով առաջ տանեն հայ մատաղ սերնդի կրթության և հայեցի դաստիարակության սրբազան գործը:

